

পূর্ব পাকিস্তানিদের স্বার্থের প্রশ্নে বলিষ্ঠ ভূমিকা রেখেছেন ফজলুল কাদের চৌধুরী

মিজানুর রহমান চৌধুরী



মরহুম ফজলুল কাদের চৌধুরীর সাথে আমার সম্পর্ক অত্যন্ত নিবিড় ছিলো। যখন তিনি পাকিস্তান জাতীয় পরিষদের স্পিকার ছিলেন। এর পূর্বে পাকিস্তান প্রতিষ্ঠার সংগ্রামে তাঁর বলিষ্ঠ ভূমিকার কথা আমরা জানি। চট্টগ্রামে মুসলিম লীগ সংগঠিত করার মধ্য দিয়েও তার প্রচুর অবদান ছিলো।

১৯৬২ সালে জনাব ফজলুল কাদের চৌধুরী জাতীয় পরিষদে মন্ত্রী হিসেবে (কৃষি) শপথ নেন। কিন্তু মন্ত্রীত্ব তার দীর্ঘস্থায়ী হয় নি। তার প্রধান কারণ হলোঃ তৎকালীন পূর্ব পাকিস্তান চাকুরী প্রাধীদের জন্য সেক্রেটারীয়েটের সঙ্গে তার গুরুতর মতবিরোধ হয়।

পরবর্তীকালে পাকিস্তান জাতীয় পরিষদের স্পীকার হিসেবে জনাব ফজলুল কাদের চৌধুরীর অবদান আমি শ্রদ্ধার সাথে স্মরণ করি। একটি ঘটনা উল্লেখ করলেই এর প্রমাণ পাওয়া যাবে। তিনি আমাদেরকে বলতেন, "তোমরা পূর্ব পাকিস্তানীদের কথা বলে যাও, আমি চেয়ার থেকে যতোই অর্ডার, অর্ডার, বলে হাতুড়ি পেটাবো তাতে তোমরা কর্ণপাত করিওনা। কিন্তু যখন দেখবে যে আমি আমার আসন হইতে উঠিয়া দাঁড়াইয়াছি তখন বসিয়া যাইও।"

তিনি মুসলিম লীগার হিসেবে স্বাধীনতার বিরোধী ছিলেন কিন্তু পূর্ব পাকিস্তানীদের স্বার্থের প্রশ্নে আমি তাকে অত্যন্ত বলিষ্ঠ ভূমিকা গ্রহণ করতে দেখেছি। আমি তার শান্তি কামনা করি।